

四庫全書

集部

欽定四庫全書

御製詩五集卷八十三

集部

欽定四庫全書

御製詩五集卷八十三

古今體六十九首

癸丑七

喜晴

六月初八日

昨日曉晴直至酉將謂晴定慶額手然而聚散猶戀宇

傍晚霏絲復紛糾不安衾枕恐成霖展轉思維增惕醜

或適煙雨樓之作語近猖狂深自咎

昨日至烟雨樓喜其開霽有作蓋初

諱其名不欲往因已連陰遂復登眺而適即放晴因有乃知涉趨避不可謂豪爽之句或此語復隣於驕以致

夜間仍雨耶可知為君之
難雖一語亦不可忽如此二更假寐旋復醒雨止簷間

聞聲否四更則報漸開霽曙起絮片淨靡有過未逮申
朗碧天方敢拈毫吟慰口得無此慰又隣驕誠矣君難
難盡剖

戒得堂疊去歲韻

一例今年詠喜晴

去歲來此正值雨後新晴因有既雨
霑猶欣既晴逢時若亦慰時情之句

莫非方寸為去聲農情較於去歲斯為早

去歲以六月初
二日來此較今

歲早數日而夏雨
易多實相倣也

無奈夏時每至盈亦既收場薊與麥

幸自前月廿四日雨後晴霽
旬餘此間二麥已俱登場矣
可知過隙邁而征籌之藏
矣邀

天眷敢避書堂戒得名

上年廓爾喀復來滋擾藏界並
搶掠扎什倫布財物若不命福

康安等統率勁旅大加懲創則藏地長被侵侮迄無寧
歲我朝百餘年來護衛黃教豈容此小醜肆其猖獗要
在朕之初心原無欲得其土地而為窮黷之舉是以去
歲此時正值籌辦進討機宜題是堂詩有句云固非土
地又期得盼獲捷音惡顧名其實並非同戒得之謂也
幸即連得捷音八月內賊人遂已震懼國威再三籲降
計自四月內進剿以來不數月間旋即藏事是其事非
得已心可共見乃得仰邀
功未可徒避戒得之名而
不為永靖邊圉之計也

清舒山館

戒得居東山館西近原咫尺稱幽棲以愁雨却不曾至
既喜晴因取便題境本清哉宜望也心雖舒矣恐驕兮
老年得句耽平淡豈以儒生述敬躋

承慶堂

承慶當年

訓意深

堂

即在清舒山館內

皇祖當年題是額以

賜舊皇太子具有深意原望其常自省躬

不啻時承

是以

面命

乃彼自不能敬體

有句云伊人

真薄福承

膺受丕基是以

慶愧其儲蓋惜之也每來
仰瞻奎翰恒用自惕其如乖

面命違欽即今兩字謀於目永世恒傳惕在心

留京王大臣報得雨詩以誌事

麥已收完大田茂將旬炎霽望優施孰知喜被渥霑日

正是於茲恐過去聲時

京城自上月廿八日雨後至昨初六早晚之間得雨

二次蓋晴霽將及一旬方喜其渥霑不知山莊是日

正以連陰為慮幸自初八日方覺晴定耳

上伏日作

伏日三旬或四旬

夏至後第三庚為初伏第四庚為中伏立秋後初庚為末伏此定例也而

中伏有十日二十日之不同者蓋以夏至日所值之干有異故長短不齊如夏至日逢庚則推至立秋前應有五庚遇三庚起初伏四庚為中伏下距立秋後初庚以前得二十日如夏至日逢辛至立秋前則祇有四庚遇三庚起初伏四庚為中伏下距立秋後初庚以前祇得十日是以每年總計三伏有三旬四旬之不同也
長其短不能均三庚初值晴和日幸協農占慰倍寅農家

占驗以初伏日晴霽則三伏內暘雨時若茲幸協祥占倍加寅惕

招涼榭

三庚方入伏熱乃候之常嘉蔭清波裔有榭曰招涼坐
實堪忘暑而予意徬徨恐仍致雲興幸而露日光散以
碧天淨庶幾協時暘旋復自為咎願美心太忙

千尺雪

向北曾無一里遙輿言至憩松寮山莊到已逮廿日

畫卷吟方記此朝

往歲至山莊旬日內必來此今年駐蹕已幾兩旬因前數日盼晴心不豫

尚未一至連日開霽似已晴定茲來并展閱所弄分繪山莊西苑盤山吳中千尺雪景四卷乘興拈毫意思方
覺閒適耳

託波已是涼為色際渚由來靜作音笑欲兩言齊置却
更於何處覓予心

玉琴軒

水源必有委分西固可東

自北來為一河至文津閣之上乃分為二溪東溪流為千

尺雪是軒在西溪之上曲澗湍流激石成響玉以
比色琴以喻聲要亦隨在安名究其原則本一也既其

流就下合一原仍同是軒西溪上雪瀑東廊通不煩數

武勞清趣偶試窮曰琴以玉喻謂雪復尺充層疊名字

增水亦嫌其重欲笑拈筆者何不忘言融

寧靜齋

雪應狀像琴喻響左右之間寧靜齋

是齋在千尺雪之西玉琴軒之東

色見聲求兩不藉是真得趣泯安排

題文津閣

玉琴軒後文津閣石洞過臨咫尺間

自玉琴軒而北不數武即假山過石

洞為方池池之北即文津閣假山之東岡曰月臺西岡曰趣亭有似米芾書帖所云寶晉齋東則月臺西則西

山之既喜晴和宜步屨遂探書史寄心閒一天六地義

斯取深棟寬梁制有關

初輯四庫全書因聞海內藏書家惟浙東范氏天一閣之制為

最善閤凡六楹前臨水池蓋取天一生水地六成之意而梁棟寬深尺寸悉有精義是以自明嘉靖末至今二百餘年雖時修葺未曾改易於是四閤之式一倣其製為之而規制經營實始於此其次乃文源又次為文淵文溯則成於最後也倣自范家勗自此七言紀始那能刪

按水有源必有流尋流探源必應先知津凡求聖道者非有津逮鮮能究其源本焉且山莊舊為塞外荒畧之地近則關關日增禮樂日盛丙申復升熱河廳為承德府轄一州五縣創建

文廟設學校定中額俾得觀光上國而此文津閤亦適

成於是時縹緗充棟儼若鄉媛福地絃誦之士不啻
尋析木而可以浮槎天漢矣惟是四庫之書浩如淵
海學者難以遍觀而盡識若僅習於文詞章句誇多
鬪靡不能涵泳聖涯得其要眇若遊大川罔知攸濟
則又非予津逮後學之意矣因題是閣並識於此

趣亭

假山歲久亦成真西首孤亭棲碧岫寄語千秋佔畢侶
似茲知趣幾何人

月臺

來惟清晝弗宵來月自月仍臺自臺隱慮顛翁似舍笑
笑斯構築若為哉

直隸總督梁肯堂奏無須減價平糶詩以誌事

災區米價恐難平馳諭籌當減糶行

近聞直隸五月分糧價清單順德府

屬尚注價貴雖畿南一帶麥秋均屬豐收惟該府為上年被災之處民氣恐未驟復隨馳諭梁肯堂如應須平

糶接濟當即

却奏麥收民食裕更兼雨足大田耕

茲據覆奏

上年被旱處所業已多方賑貸今歲青黃不接之時糧價不無稍增已屢遵諭旨或借給籽種口糧或減價平

難民食不致缺乏順德府屬完緣災歉之後二麥甫經
登場是以價值尚未大減現在新麥業已上市又復甘
霖應候秋收可望目下糧價較旬日以前已漸平減似可
毋庸減價平糶因稱渥澤實深慰
即問低窪或致盈又奏稱保定省城於六月初二夜得
雨深透寧河通州一帶初二至初六
七等日得雨二寸至六寸不等覽奏又慮低窪之處或
致過多仍即於摺內批詢民事固不可輕畿南民氣初
復尤為無刻弗關農務切那能避暑獨怡情
關念

漕運總督管幹珍奏尾船出山東境並報途次得

透雨詩以誌事

去歲運河微欠水今年弗閏水原通

去歲德州一帶夏
初閏雨以致運河

水覺微淺糧艘不能趲行中間尚多一閏四月江西猶有四幫於六月初旬方出東境若今年比去歲少一閏月而此時江西尾幫已將全抵天津則總因化筦為消幸賴雨水調勻而運河水勢充足也

息度以津關無異同

據管幹珍奏江西祇餘七幫已於六月初六日親押尾幫至楊柳青

地方距天津不過三十里約三日內即可全過津關去歲尾幫雖亦於六月初旬出東境而以閏計之則較今

歲實遲月餘矣南府恰當望澤際甘霖正喜濟農功

又奏稱初二日晚舟

抵泊頭汎得雨一陣初五日戌刻過靜海亦得有霖雨及初六日至楊柳青午刻陣雨如注雲氣廣被大田正在望雨之時霑被甘霖農民極為歡慶食天國本何非事遇順惟深敬畏

衷

倉場侍郎諾穆親劉秉恬奏得雨情形詩以誌事

雨足連晴收麥宜大田長

上聲

覺望優滋

諾穆親等奏通
州地方自五月

二十二日得雨霑足後連日天氣晴霽農民藉此收穫
二麥現在場功已畢而大田又正在望澤之際茲於六

月初六日自亥至次早大霽甘霖次日夜間又復大雨
移時入土極為深透初八日旋即晴朗洵屬雨暘時若
不特秋禾益資暢茂而河水
充裕浮送糧艘更為裕如誰知喜霽甘膏際即是此

虞過盛時

山莊自春月以來晴雨調勻即前月廿二日
駐蹕後亦頻霑優澤至月初六七復值連

陰未免又慮過多乃通州是日方喜甘膏
應時遠近情形各異即無日不繫念慮耳

荷

開比去年過兩旬

去年有閏四月是以五月中旬荷花已放今歲雖較遲兩旬然去年五月

十八日交小暑仍屬六月節氣也

紅霞襯綠繖從新其間漫更較遲速

名亦未孤六月春

教漢

平聲藕種

上聲早年攜

湖中別有蓮一種色鮮朵大千辨攢簇者乃教漢種也

皇

祖時移植於此

清遠香風帶露淒君子塞中如問傳去聲遼金元

史目同迷

夜雨

夜雨雖昨夜丑時則今日昨為下旬首弗雨叶農吉

昨夜

雨時詢係丑刻自屬今日而十五究未雨也蓋農家以望日為下半月之首亦喜晴朗謂與朔日占同惟自初八至今晴已幾旬大田正將吐穗伏暑亦覺漸盛又冀再得渥霈為佳 惕度終朝晴過矣

慮何必況當伏暑時炎蒸邇來鬱思一洗其歆剛寸意

微惜雨祇一寸再霈乃益佳大田潤陰隲迴思兩日間惕慮

心殊疾昨日盼其無雨今日盼其得雨兩日之內情形各異總之願其時若喜懼不同同一關心民事

耳然其殊原同無非為去民實

山東巡撫吉慶報得透雨詩以誌事

麥收早奏八分知夏穀均看暢茂披却是望霖資潤澤

遂因步禱沐

恩施

據吉慶奏東省自五月廿二日得雨二寸尚未一律普霑現在禹城於二十八日得雨二寸尚未一律普霑現在

高粱早穀長發暢茂亟須膏雨滋培農民望澤甚殷隨率同司道等設壇步禱茲於六月初八日自寅至巳大雨如注差查四鄉入土實有五寸並據濟南等府屬三十九州縣稟報於初六七八等日各得雨自二三寸至四五寸及深透不等省城屬府胥周遍稻下黍高普渥滋驛致佳音欣慰覽思方此處籲晴時

書懷

本是避暑處人家輾致炎

山莊本為避暑而建乃數十年來生聚日繁不下十餘萬

家人烟輻輳當此間間數萬倍烟火自蟲添甫過三霖

懼月之初六七連朝陰雨方以為懼幸自初八以後始

田乾燥亟須霽霽既滋禾又懷六日詹山雲方靈雷尺

澤願重霑

四川總督惠齡奏報麥八分有餘詩以誌慰

湖廣熟稱天下足近年川省頗相如近年川省年歲屢

分以上諺云湖廣熟天下足既緣雨水易於霑足且由

漢江販運隣省甚使川省由川江裹載而下頗亦相似

也雖然二麥弗為重却亦八分得有餘惠齡奏川省麥

松潘懋功三州廳向不產二麥此外麥收九分有餘者
成都重慶敘州夔州嘉定五府者州一州九分者順慶
龍安二府邛州一州八分有餘者保寧潼州寧遠三府
瀘州綿州達州酉陽四州八分者雅州一府資州忠州
二州敘永石碛二廳七分有餘者理番一廳及茂州所
屬之汶川保縣兩縣統計通省麥收實在八分有餘等
語該省雖不甚重麥收然得此夏稔自可閭閻資旦夕
於農民青黃不接之時大有裨益

况經邊遠罷儲糈

去歲藏界用兵一切兵糈俱用官帑
在藏中就近購備從不令絲毫擾累

民間然轉運軍械雖亦計日給值究不能不勞民力幸
而去秋旋即歲功茲又夏田報稔盈寧之象可以想見

定羌歸凱勤民事

惠齡自到川督任後即命往軍營為
叅贊雷中途督辦軍營糧運現在大

兵早已凱旋因令伊回成都經理總督本任事
務此報麥收摺仍在中途邊壩地方所發也

此是封

章首吉書

驟雨

六月十八日

避熱文津閣

此閣最高其下涼爽從不知暑

油雲起四山欲先雨迴者

却值衆行間

日內因炎歊異常望雨頗切過午四山雲起知雨將落欲趁雨先回前宮方乘輿雨

即作勢甚酣暢片時各峽漲流皆滿不覺暑氣頓消

豎灑橫飛快毆炎送爽還濕

衣原有賞例也那能刪

此番雨來甚驟而長僕從人等衣服盡濕然原舊所常經亦必

有賞沿為成例矣

觀瀑二首

望雨

近因炎燥異
常頗望雨

愁霖

不五日
前又因頻雨
恐成霖按
三日雨不止
為霖其春
霖時霖

等詩人亦不
拘例用之

兩過之心閒觀瀑水垂絲忽思衝霽昨朝

景遍宇擬銀竹勝斯

題句仍畱壁剩三丑寅卯歲泐吟堪

每歲來此有句皆
泐之壁間計今歲

癸丑閏明年甲寅又明年乙卯三年之詩壁間
畱有餘地至歸政後來此亦無可書之地矣

就閒以

後如臨此誠祇合觀應罷談

永恬居疊去歲韻

谷口延緣入新晴景愜拈山蹊半里近林屋幾楹瞻圖

畫四鄰供縹緲一晌淹籌軍即歲勛

是額原取義引恬皇祖當年題

期一世永享昇平之福而予之去歲用師廓爾喀亦不過使之震懾國威不致再來侵擾歲界並非有計功謀利之心是以去歲來此有句云陡憶捷書至佳名副永恬幸蒙祖恩垂佑不數月間旋即歲勛從此歲中

僧俗人衆永臻寧靖
果副佳名何如心感

祖佑副名恬

素尚齋

年年臨素尚即此豈非貪數

上聲

歲近餘二題檐並是三

計至歸政之期再餘甲寅乙卯兩年而題楹之詩並今歲亦祇須三首即遍斯齋

罷吟指歸政

習靜擬眠菴謾謂巖廊迴

齋在永恬居之後地勢處高中接以廊可通步屨以現在

精力而論歸政後未此尚可登臨賞憩也扶筇或尚堪

題創得齋

西北谷猶迴晴和爽拂晨輕輿試深造曲磴宿知循山

景仍依舊人情率喜新齋籌喚咭唎事亦創非陳

據去冬

東巡撫郭世勲奏西洋喚咭唎國王遣正副使嗎嘎爾呢噠噠喇都等齋貢恭祝萬壽由海道至天津登岸近

據吉慶奏該國貢船已過登州洋面約計八月初旬以前可抵山莊該使臣遠涉重洋虔誠祝嘏忱悃可嘉理

宜優加賞賚以示柔遠之意日內預令揀備齋子物件親加閱視該國占風入艱事亦創得此皆仰蒙吳

貺不覺益
增感惕耳

梅檀林有會

一嶺橫拖西陟東由來事半倍成功曰升曰降昔勞辨

梅檀林在嶺東創得齋在嶺西自創得齋而來則謂之
升嶺若自此住創得齋又謂之降嶺向題梅檀林詩有
云設如由東來復當易其向或彼或斯今視同夏景仍
乃知一切稱名初無定狀也

茲以時遇金仙只在不言中梅檀名本因假藉真樹干

林信孰充

松柏楓柳之類其名亦皆假藉耳

澄霽樓口號

碧天朗映爽風披拾級靜觀莫不宜一切向來愁慰念
兩言樓額付無知

挹秀書屋

依山為構築自必有高低拾級雲廊達憑窗夏景齊近
遙胥入畫芳潤恰堪題五字稱挹者一言惟秀兮

松霞室對松有作

含青向北堂幾轉陟東廊蜃牖虛通白霞松古入蒼是
非非即是忘辯辯難忘著相真堪笑圖仍女史張

題陳書長松圖

江南塞北原無涉
室裏山中若有期
女史或知此意否
七章佛偈早言之

曉涼

渥雨既驅炎微涼遂送曉
無過與不及時若豈弗好塞
外曉晚涼亦曰其常道而予
復過慮恐致霜來早然茲
方六月自解時尚藐因憶三
日憂刻亦弗能少

陣雨

六月廿二日

午熱復熾然蒸雲四山起旬旬雷作聲傾盆忽至矣千
澗瀑互垂萬林姿盡洗遊山所恒遇葛衣如浣水羣役
弗嘆勞而翻以為喜

例有賞也

出麗正門觀稼並閱隄工有作

昨歲發山水恤恩次第行

去歲六月初旬因連日驟雨武列河上游山水陡發瀕隄

低窪之處兵民房舍多被沖塌隨從員役亦有沖失什物者當命和珅等察其輕重分別次第賞給銀米幸俱

不致失所葺居兼禦漲役舉視工成

越數日朕因觀稼親臨閱視所有被淹兵房即

令官為修葺民居鋪戶照例加倍賞銀令其自行修理俾安棲止並察看沿河舊有石隄卑薄因命酌量增高

其原本有石隄處並令補建約用銀十餘萬兩今日仍策馬觀稼見民居安整如故而新建隄工屹然如式兼之邇來暘雨時若河出閱無非事圖安肯懈誠邇來幸流亦頗覺安瀾矣

時若益慎敢怡情

漕運總督管幹珍奏全漕抵通日期詩以誌慰

全漕抵通州七月實常例後每致阻悞督飭懲惰吏

定例

全漕以七月抵通自四十二年以前每因水淺滯運既有截畱守凍情事則次年開兌必遲輟轉相因竟成積重之勢其大要則在地方官情於經理所致因命阿桂等疏通清口停沙明興籌蓄微山湖水櫃效績者優敘懈弛者嚴懲自此運邇來乃改觀為之在人事邇年以河更無淺阻之慮矣

邇來全漕

率於七月內抵通交卸及早回空亦即依限俱抵水次
竟符冬兌冬開舊制於是漕運頓覺改觀事在人為洵
非虛
語
上年中旬八今年下旬一
叶
粗看遲三朝細以閏

月計則早二十七勤宣之所致與敘以旌能然實

天恩賜雨暘令歲佳事半功全倍

茲據管幹珍奏今歲漕船已於六月二十

一日全數抵通計月杪月初起卸可期全竣等語查上年漕船於六月十八日全數抵通似較今歲僅遲三日
若以上年有閏四月計之則今年實早二十七日矣因
令將管幹珍及督運押運並催漕出力之文武員弁一
體交部議敘然亦今歲雨暘時若河水充盈沿途儼行
迅速不啻事半功倍感蒙
天佑更當何如惕勵也

迴空及受兌又可速明歲自慰更自慎勵衷識五字

三題文園獅子林十六景

獅園

謂獅子園

咫尺獅林

謂江南

遠中則御園

圓明園亦有獅子林

此曰

文

文園獅子林則獨此處名也

三隔三年成九歲如駒隙影太殷勤

自甲辰南巡獅子林後乙巳巳酉及今年癸丑是處每隔三年一題句總計之已瞬間九年矣

右獅子林

徐家名合不期同

初成是橋時亦就其景名之後聞徐賁為僧如海作獅林圖十二幀其中

本有小飛虹一景可謂不期而合

飲練兼符飛者虹

長虹飲練為山莊三十六景之一乃

祖所題皇設謂俯流武列水濟之文更兩資中

右虹橋

初稱瓚

倪

復後稱賁

徐

假象於斯亦肖之彼二人胥名

利客高僧維則却何為

世多以獅子林為倪瓚別業瓚工畫自當有圖繼得徐賁為僧

如海作獅林圖其後有陸深跋乃知為僧維則菴如海其三輩弟子也世間名象真假無常有如此石維是瓚與賁皆名利場中客幻假為真或所不免維則以方外之人亦復為之豈亦有達於六如之旨者耶

右假山

堂無納意而言納景有遷時那駐遷即此疊三成九者

一彈指頃幻誠然

自乙巳至今年癸丑於是處三次疊詠脩巳九年時序遷流真如彈指而

景則日新而不已固
有遷而不遷者在耳

右納景堂

漫稱維則及如海清閼終當屬老迂却笑其中藏畫者

閨中藏倪
畫數種

真成執象豈然乎

右清閼閣

綴景架藤不可無十來九一見花敷

藤花率以春間開
放而每歲來此皆

在夏至後從未見花惟己酉年春夏雨足氣候微涼難以閏五月初旬至此而猶有開者因有架上却留三兩朵奇哉渴句有如斯之句架藤本以綴景似茲種植何而十僅一遇士之好名鮮實者何以異此

為也笑好名人視此乎

右藤架

塞山平率馳馬易磴道曲斯躡步艱平易曲艱原至理
謂人何不忖其間

右磴道

假山之上真亭在真假分明孰得更却是巍然翼然者
不知占亦不知名

右占峯亭

清而弗淑失乎寂淑而匪清實近華斟酌濃纖作齋額
可為佳格贈詩家

右清淑齋

獅林禪窟建南江

獅林數典於僧維則本為禪窟後屢經易主遂傳為名勝之地此間持肖

為之亦不過僅辨其名而已

問汝心降乎未降此偶肖名非肖實山

山樹樹總香幢

右小香幢

年年如是山莊駐矻矻常思

祖蹟遵何暇探尋書史富愛民

一念是真傳

右探真書屋

景固天成無盡藏樓由人起有招延偶然拾級却生愧
何不用之於渴賢

右延景樓

塞川流易難為蓄此蓄清波數里餘舫進波平舍動靜
乃成活畫米相如

右畫舫

林因雲幻低成迴室以石圍靜且深忽憶田盤駐春季

盤山亦有
雲林石室此之石室彼雲林

右雲林石室

一碧流溪窗裏橫弗言照也祇言平因之悟得為君理

何必其間用太明

此雖常談頗包
寬則得衆之義

右橫碧軒

架水為門弗設版往來舟楫任其然九春秋裏消三疊

亦厭吟多逮筆捐

二年即當歸政即重來此亦當娛老不更言詩也

右水門

雨

六月晦日

廿二逮茲晦已度八日遙中伏熾蘊隆不可當炎歊望

雨解鬱蒸其奈赤陽驕過午山雲吐霏雷旋佈霄西南

送密霽

此間雨每自西南來

風涼暑頓消大田濯暎氣尺澤沃茂

苗披爽心合慰而忽惕為焦明當七月朔更值立秋朝

農諺畏雨零

農家以七月朔日晴則此一月可占時若又以立秋日小雨即晴為上吉復切

愁無聊中夜或明曉快霽希時調

喜晴

七月朔日

卯末猶細霽辰臨即快晴既符立秋吉

是日正值立秋農諺以立秋日

得微雨即晴為最吉乃卯末猶見細霽入辰即已快晴幸符吉占

兼叶孟朝禎

孟秋朔日晴朗

農人亦謂可徵時若似此習吉尤為可喜惟是驕陽暴入聲又懷畏熱情憂難

去三曰守志敢忘貞

即事

七月初三日

孟朔農占雨叶貞

農家以孟秋朔日與立秋日晴為吉占昨初一日即值立秋果叶農占可

謂吉而翼朝常諺又符巧農諺又有最忌初二陰之語又吉又吉昨初二晴霽竟日又符常諺

益深似此時若合慰欣而方寸中愁每擾各省麥收報

已全八分九分餘不少抵一安徽稱七分今歲各省麥收俱在八九

分以上惟安徽省因春雨稍多通省牽算僅有七分餘而大田禾黍實資霑渥可冀稔收堪接青黃

足食肇至於大田苗茂發胥稱優渥霑恩飽茲接江南

奏河工盛長上聲速消安瀾保兩江督臣書麟河臣蘭第

搶護平穩情形據稱緣甘肅寧夏黃河及豫省之沁河於六月初旬水勢陡長五六尺南河於六月中旬亦日

見浸長現在唐家灣誌橋長至九尺餘當將毛城鋪滾壩開放其各廳埽壩工程俱已鑲護平穩至洪澤湖水

亦陸續加長高堰誌椿現存水九尺五寸已即將清口
禦黃東清兩壩全行開放又邳宿桃清一帶運河因東
省山水下注自十一至十八日共長水一丈零所有中
河之雙金閘草壩及楊莊頭二三壩王營減壩並淮陽
高寶等處兩岸便民各閘洞俱經啟放各隄岸工程一
律穩固至二十以後天色晴霽黃運兩河水勢漸消可
冀安瀾等語此皆仰賴河神默佑得以順軌安是宜
流惟當虔申祈謝並飭在工諸臣益加敬慎耳

心適怡旰宵却以蒸炎願涼好願涼需雨復恐多進退
艱得兩全道洵予欲美不知足欲多愁多理堪曉秋陽
之暴熾騰歌究望陣霖歐暑燥

夜雨

七月初
四日

過未山雲佈入宵秋雨霏弗徐還弗止非驟亦非微既
沃黍根潤更增禾穗肥歌煩一以滌益敬凜知幾

題秋澂齋

每以先

去聲

秋詠

齋額秋澄而向年先秋至此暑氣漸退即為留題昨初一立秋前此方以炎歊

望雨及晦日得雨又以農占月朔宜晴為之心惕幸是日旋即開霽而蒸熱復熾昨夜得有溼雨今早頓覺颯爽來此攬景頗喜副名然立秋已數日氣候固宜如是

茲因懶興遲雨暘艱兩若

言行

去聲

或多虧徹夜甘膏渥凌晨颯吹止乎祝適可

踴慮洗車隨

霞標觀舊作夜遊山月圖疊壬寅庚戌韻仍分書

兩卷中

寫意曾非著意修霞標

高標之標

山水兩標

標題之標

遊

往歲在山莊每

於望後登霞標坐待月升跋馬遊山至辛丑以年踰古
稀不復乘馬因有霞標弗待月之詩然當塞湖秋望仍
命棹泛月至癸卯又以風水夜寒非高年
所宜亦未如往例並成塞湖弗泛月之詩曰詩曰畫舫

偶爾一紀光陰各卷留

壬寅取歷年夜遊山月詩彙書成卷癸卯復取泛月諸什彙為

一卷復因卷尾餘紙做高克恭筆意各繪為圖每一披閱恍如舊遊均已歲踰一紀矣

邇來心緒鮮寧閒

邇來秋暑甚盛夜間亦覺蒸鬱因思得陣雨以滌煩襟又以嘆咭唎國貢

使將到指示一切事展卷聊因遣悶間一望洗車

是日正值

宜是以頗鮮閒適耳

七一為慮

既望雨又多慮過多

兩難進退愧青山

夜雨

一夜洗車雨萬山活樹

草木雖無知亦畏炎蒸而萎也

秋輕涼自然至

溽暑不期收愁與浮雲散歎同大火流漫稱心意滿滿

惕損之由

福建巡撫浦霖奏報早稻收成九分有餘詩以誌

慰

七閩六十四州縣早稻收成贏九分

浦霖奏福建早稻收成分數所有通

省六十四州縣內除臺灣一縣向以土性不宜種植早稻外其收成九分有餘者長樂等十九縣九分者閩縣

等三十二州縣八分有餘者福清等十縣八分者鳳山等二縣合計通省截短補長實屬九分有餘截短

補長得總數慰心屈指訝希聞况經綏屢春秋際

又稱連歲

屢豐本年雨水調勻早稻又獲稔收新糧上市米價日減民情悅豫云云

自合恬熙蒼赤羣

第一秋成吉音遞

今年秋成之報此為最先至惟冀各省次第皆似此更大幸也

益增

兢惕寸衷殷

倉場侍郎景安劉秉恬奏報起漕全竣均予議敘

詩以誌事

到有早遲行者事

每年催備漕船北上係總漕及沿途文武員弁之事如近年漕運抵壩俱

早檠予議敘實與倉場侍郎等無與也

收殊徐疾守之分

若漕船抵壩後起卸收倉則為

倉場侍郎等專責果能起卸妥速俾軍船及早回空亦堪嘉予茲據該侍郎等奏今歲全漕抵壩計漕白米麥

豆三百一十四萬三千九百六十餘石已於七月初五日起卸全竣查五十六年全漕到壩後該侍郎蘇凌阿

等上緊起卸於七月初九日告竣較之五十五年早至十七日因即均予議敘以示獎勵至上年雖於六月二

十九日卸竣既以遇閏為期較寬兼有截留並非全漕未為迅速若此次較之五十六年告竣更早四日辦理

實為妥速因令該部分別議敘賞宜寬並教優敘天庾勗哉司以勤

陣雨六韻

七月十二日

洗車翼日曉來晴暴以秋陽暑更生自是山田蒸易長

却憐烟戶暍難平

農家喜伏中蒸熱則百穀易長而今歲山莊暑熱立秋後尚盛烟戶稠密

又慮有傷暍者頗為憐切

早論小六五與十

俗謂伏中三日不雨小旱五日不雨大旱愁

切肝宵今復明過未西南幸雲佈入申霧霽遂霖傾

炎送爽消片刻已疾蠲災愜衆情以手額加感

天宥益滋虔悚寸衷盈

江西巡撫陳淮奏報早稻收成八分有餘詩以誌慰

閩疆報獲西江繼例事年來率已然

上年福建江西秦

先於江西數日今年該二省奏報日期亦與上年相似蓋以道里計之則福建遠於江西以地氣言之則福建

較暖收成早故

恰又八登九熟似

去年福建報收早稻九分餘江西報收八

分餘今年各報分數恰亦相同

更同麥稔稻豐連

據陳淮奏江西各屬早稻收成九分者瑞

州袁州建昌南安贛州五府寧都一州八分有餘者南昌臨江吉安撫州廣信饒州南康七府八分者九江一

府通省牽算總計早稻收成共八分有餘等語雖非上豐而已在中豐以上況該省上年及今夏麥收亦俱屬

八分有餘感荷

如茲稠疊農功貺實切肝宵民務

拳招損益謙凜

天道慰中惟自勗勤虔

喬樹

喬樹有嘉蔭仙境稱避暑停輿坐其下繖張過丈許况
復透風爽實不覺炎苦咄哉此語失亦思忠恕否叶知

已弗知人君道垂尤巨翹哉金氣行兩日匪遙佇

望後二日

即交處暑節愧無術調幕實有懷絜矩

直隸總督梁肯堂奏報秋禾約收十分詩以誌慰

約收摺報繼題達各省農功例按全

凡各省夏秋麥禾將屆成熟之際該

督撫先將約收分數具摺馳奏以慰懸訝看聲秋禾十
塵俟刈穫後核實另行題報此定例也

分穫茲據梁肯堂奏直隸本年夏秋雨水平調勻田禾極
為暢茂現在將次成熟據順天永平保定宣化河

間天津正定順德廣平大名承德等十一府暨口北道
屬並遵化易州冀州趙州深州定州等六直隸州屬具

報秋禾約收分數俱有疑心歲事幾曾然朕臨御五十
十分覽奏甚為欣慰

蒙二處分數天佑歲稱有獲然往往大熟之省其中不無一
少減牽算總數即不能具報通省十分惟癸

巳巳酉兩年山東省報稱二麥收成十分發苗結穗資
此外惟直隸今歲秋收大豐實所罕遇

茂實今日又據兼管順天府尹蔣賜榮等奏京師左右
大田正值結實之際頻沐甘膏繼以蒸熟顆粒極

為飽綻白露露前後即可次第登場豐稔倍於往年及今
詢之此間道府所稱情形亦俱與梁肯堂所奏相符

稔昨災改惠鮮

梁肯堂又稱本年二麥既屬有收燕之秋禾豐稔民情歡忭異於尋常等語蓋

去年直隸河間天津等府歉收雖不惜數十萬帑金漕米大加賑濟而閭閻不過僅免失所今幸夏秋兩收皆十分庶幾災後之區民食給足漸復元氣耳 曰允慰乎允惕耳自惟何以答

皇乾

文從簡秋林野思

杖策青松丹栢間自稱野思一時關大凡思故出手動何不忘之樂此閒

省刑

向於春夏間望雨每省刑今歲沐

天貺時若報十成

今歲自春夏以來各省奏報雨暘時若均屬十成感沐

吳恩亦云至

渥

而何邇日來異歎暑氣蒸祈霖解煩囂求雲率朗晴

展轉乏良方或予志滿盈

近日早稻收成最先者如福建江西俱報八九分以上直

隸奏秋禾約收分數竟有十分豈予因是志或自滿以至靳澤內省未敢如是然不得不深自刻責也庶


獄命清理冀可紓人情恩欲自近始弗待具文呈

熱河自昨

初八日得雨後已經旬餘現已交處暑節而炎熱未減京師人烟稠密自當更甚前據順天府奏報於十三日得雨近日是否再得雨澤又慮小民或因溽暑蘊蒸致有疫病亟命軍機大臣馳諭留京王大臣即行據實覆

奏更念清理庶獄可期感召甘霖一面傳諭刑部堂官
查明徒罪以下案情較輕者分別減等發落其緣事牽
連及尋常案件亦即訊釋完結並傳諭熱河道府將此
處就近獄犯核明情節開具清單速交軍機處即行奏
釋以迓和甘當此望澤孔殷之際若
拘於常例具文報該督必致稽遲也
五字不成章一心

惕屏營庶幾霈霽電和衆萬事亨



御製詩五集卷八十三

欽定四庫全書

御製詩五集卷八十四

集部

欽定四庫全書

御製詩五集卷八十四

古今體四十九首

癸丑八

山東巡撫吉慶奏報秋收約有九分並請分年緩徵舊

欠即照所請詩以誌事

九分自比八分勝

去聲

去歲歉欣今歲登通省截長與短補慶

奏東省早穀高粱漸已黃熟穎粟飽綻將次刈穫登場據各屬詳報約收分數內九分有餘者泰安青州萊州登州四府屬九分者兗州沂州二府並濟寧一直隸州屬八分有餘者濟南東昌武定曹州四府並臨清一直隸州屬合計通省截

長補短共有
九分等語

計豐非上邁中稱

八分為中豐則九分雖
非上豐實過八分矣

輸惟

正賦適其合緩却舊徵亦曰應

又據奏該省上年收成歉薄
蒙恩多方賑貸不致失所現

雖秋成豐稔完鮮益藏若將各年新舊錢糧漕米同時並徵
未免稍形拮据且慮米價增昂所有上年被旱之德州等二
十七處及毗連之堂邑等十六處並坐落衛場除五十六七
兩年應徵之項照舊徵收外其五十五年以前應徵舊欠錢
糧倉穀籽種口糧麥本河銀等項請分作五十八九兩年帶
徵又平度樂安壽光昌邑濰縣五處今春低田被淹其舊欠
銀穀民佃竈課及本年借給口糧銀米均請緩至五十九年
麥後啟徵至本年額徵漕米及五十五六兩年帶徵漕糧仍
照舊徵收外其帶徵五十七年漕糧六萬七千九百餘石請
緩至五十九六十年徵收並請將買補五十五年截漕米
石五萬五千四百餘石自本年起分作三年採買搭運等語
該省今秋既獲稔收小民自必踴躍輸將但念歉收之後新

舊並徵民食不無妨礙已即悉照
所請勅部遵行俾民力益臻寬裕
自顧

天恩敢言報祇深業業及兢兢

微雨

七月二十日

微雨剛餘寸塞園遽變涼晚田滋有濟

此間旬餘未雨
立秋後婪熱轉

甚在大田固已顆粒堅實而蕎麥菜蔬等項尚須雨澤
此番得雨寸餘不過微資沾潤雖鬱蒸已解日內究以
續得渥
膏為幸婪熱避無方雖覺解上聲蒸鬱仍思繼霈霽西南

雲畧蔚佇望益徬徨

直隸總督梁肯堂奏乘時買補倉穀以資儲備既

紆傷農之嘆復資遇歉之綢然非逢稔歲豈易

得哉詩以誌事益切惕乾

常平始壽昌春借逮秋償本是愛民計或成蠹吏方

常平

倉始於漢宣帝時大司農耿壽昌所議建穀賤增價以糴穀貴減價以糴後人踵其意春借秋償本為愛民良法自奉行不善者一任胥吏為奸於是名為利民其實侵刻百姓法立弊滋有如劉般所云自古已然食

防因啗廢備合遇豐歲

後世又以有流弊而廢置不行是因啗廢食之見也既遇豐歲

不為貯藏之計一任小民狼戾如魏李悝所謂穀賤傷農者此又必然之勢也耕三餘一耕九餘三又何以云

乎調理洵精當

去聲 茲據梁肯堂奏直隸常平倉穀額存二百四十四萬五千餘石因連年

偶被偏災蒙恩截漕賑貸之外或湊動存倉或協撥鄰封並恩免民欠共缺額穀五十六萬八千六百四十石零例應動項採買今歲麥收豐稔糧價漸減秋成復約有十分為數年來未有之豐歲登場後糧廣價平不無穀賤傷農之慮應責成各州縣趁此豐年買補足額以實倉儲或所產高粱居多或山路艱運准將高粱粟米一體收買照例折穀俟明春青黃不接之時酌量出借易穀還倉並飭禁吏胥派累及牙僧居奇等弊又如因採買稍多或致價昂仍即酌量停緩等語州縣缺額之穀本應乘時採買今歲又逢上稔誠為十年一遇之幸該督商籌採補更防諸弊洵屬周到民希聞特誌章食無妨而倉儲可實自應允其所請耳

湖廣總督署湖北巡撫畢沅奏報早稻收成九分

有餘詩以誌慰

督司兵撫司民事兼署因之達奏函

向例總督職司營伍地方民事皆巡

撫奏報茲因撫臣福寧來京陛見畢

六十二州縣報到

沅暫署撫印是以具奏收成數
據奏湖北省除應山遠安鄭西保康竹山竹谿六縣不
產早稻外其餘六十二州縣早稻均已收穫登場內收
成十分者咸寧蒲圻等十七縣九分有餘者江夏武昌
等二十五州縣八分者江陵公安等二十州縣合計通
省收成九分有餘現在中稻將次結實晚禾暨各種雜
糧菜蔬正須好雨滋培據各屬均報於六月中旬一律
普霑至二十八九又復渥沛甘霖入土極為
深透統俟飭查南北兩省報到另行續奏
九分餘早
稻登單饒中
八速上分農豐幸飽食足衣戶樂堪慰矣
楚疆稔斯北仍虔佳信望其南

登四面雲山亭子

一歲一登一什留兩年兩詠兩篇收

每歲至山莊此處必一登覽每至亦

必有詩計至丙辰歸政以前甲寅乙卯兩年再須留詠兩次此後再來可毋庸題句矣

孫庚

祖識同辛卯

予以康熙辛卯年生而是年建此亭成屏泐

御詠皇祖亦適於此中當有

因風

祖澤孫欽此豫遊較雨量晴度累月

五月廿二日到山莊後即已暑熱初

以大田雨足惟望晴霽乃立秋旬餘炎蒸益甚又覺雨澤少愜每日較雨量晴度此長夏新秋不覺已兩月於茲幸昨微雨之後頓爾涼爽方叶金令矣

慰過聲愁遠近中秋

現在莊稼已屆成熟日內

能再得一雨固於雜糧菜蔬有裨
即無雨秋成上稔已定亦可慰念
匡床小坐把吟筆問
汝山亭可共不

留京王大臣奏報京城晴雨應時炎暑已退穀稼

豐收詩以誌慰

避暑猶逢暑異酷京師繼念訊其詳

山莊向年伏天炎熱不過數日今年

立秋後婪熱益甚因思塞外熱猶異常京師人烟湊集更當何如並慮或至感患疫症頗為繼念隨馳諭留京

王大臣詳察

較之關外雨經屢復以下旬霽送涼

據奏京城

自交伏後天氣向炎但間數日即得陣雨一次兼之雲陰時布早晚偶值涼爽尚可加服單衣七月以來秋暑

雖覺較盛幸初七日夜間得雨三寸十三日復得雨四
五寸民間偶有感觸暑氣並無病暍時疫之症至二十
日西北風起自未至申得有密雨數陣氣候頓覺涼爽
二十一二復得密雨數次暑氣全退至於莊稼晴雨得
宜結實倍形飽統
民情極為歡悅
欣矣都中炎盡退幸我此處爽如常
此間自二十後亦得有密雨兩次日
內天氣頓爽竟與往歲初秋無異
協和六幕慙無術
戒滿翠謙敬益懣

河南巡撫穆和藺奏報秋成約收九分有餘詩以
誌慰

九分餘報麥收豐

夏間豫省麥收據穆和藺奏報九分有餘

幸矣秋成又得

同茲屆秋禾成熟之時又據奏約收分數所有一百八
廳州縣內約收十分者通許等六縣九分有餘者祥
符等五十四州縣九分者儀封等四十六廳州縣惟河
內武陟二縣因沁河漫溢間有被浸之處分數不無少
減而通省合計共約收九分有餘值二麥稔收之後復
得此秋稼豐登農民無不忻忭等語今歲天時人事諸
皆順叙日內西洋映咭喇國所遣祝壽使臣亦將至山
莊閱茲豫省秋稔情形渥蒙 昊貺內省益增虔惕

念共豫民

天貺沐敬深午夜地謙冲大都時若多稱寓

近據各省報秋收

者山東福建江西湖北四省俱在八九分以上直隸更
報有十分益為近年所罕遇其尚未報到者節據各督
撫奏稱陽雨時若秋禾茂茂俱可何以斯逢自問躬用
卜其稔收早晚亦當次第奏到也

是益增心怵惕畏盈憂盛勵無窮

題齊民溪亭遠眺

秋樹已蕭森秋波亦浩渺溪亭可騁望無礙遠山繞憑
几默會人得句知多少

詠痕都斯坦所製玉盃

和闐產良玉追琢乏工為

和闐雖產玉而無良工

却賴痕都製有

過茂苑奇

蘇州專諸巷多玉工然總不若痕都斯坦用水磨治玉特為精巧

足承花四

發耳綴朶雙垂言念水圓喻

為人君者猶盃也民猶水也盃方水方盃圓水圓見

韓非
子
勅幾益慎之

唐寅霜林秋水即用其韻

霜落金閨楓染紅扁舟騁望賦幽通
南巡率值春三月
此景惟存想像中

廣東巡撫郭世勲湖南巡撫姜晟各報早稻收成
分數詩以誌慰

東廣南湖同日報南饒九分東畧弗相如八分遠先摺

發近後發郭世勲於六月二十四日發摺姜晟於七月初五日發摺而同日奏到則以廣東遠而湖

南近楚九分餘粵八餘據郭世勲奏廣東省九十一廳也

八縣八分有餘者花縣等三十六廳州縣八分者南海等四十七州縣合計通省早稻收成共八分有餘據姜晟奏湖南省除永綏廳桂東縣向不種早稻外其餘七十二廳州縣早稻收成九分有餘者善化等二十一廳州縣九分者長沙等四十二廳州縣八分有餘者永明等七州縣八分者龍陽沅江二縣合計通省早稻收成共九分欠亦中豐民氣豫謂廣東上斯連稔歲功書謂湖南

似茲駢疊沐

旻貺亶切兢兢益凜予

微雨

八月初六日

弗雨過旬日宜暘果是佳婪炎未全退

自二十日得有微雨炎蒸即覺

漸解雖秋禾已屆刈獲無須霑澤而辰已以後婪熱猶甚今日自丑至卯得雨寸餘頃增涼爽田中蕎麥菜蔬

亦不無裨益

滌熱又興懷夜霽朝晴好秋涼爽氣皆量田寸

餘潤蕎麥亦稱諧

陝甘總督勒保奏報甘省夏收八分有餘詩以誌

慰

夏獲又欣去歲同

去歲勒保奏甘省夏收亦八分有餘

何期瘠土竟綏豐

甘省固稱瘠土然自四十六年查辦王童望等以監糧胃賑後近年屢報稔收可知前此大加懲創不為過也

截長贏縱補短缺僅六分原遜十充

勒保節次奏甘省本年春夏以來雨

水調勻黍禾暢茂茲夏獲屆期該督約報分數內十分者階州等八州縣九分有餘者伏羌等十一廳州縣九分者漳縣等十三廳州縣八分有餘者河州等十二州縣八分者鎮番等十廳州縣七分有餘者渭源等四州縣七分者金縣等九廳州縣六分有餘者皋蘭等六州縣統計通省約收八分有餘等語該督截長補短原屬照例牽算但以六分收成較之十分九分者統計雖云號豐歉懸殊間閭生計維艱不能不為縫念統計雖云號中稔向隅仍合念民窮

又據該督奏皋蘭等十二廳州縣自五月十五六日得有透雨

之後月餘以來雖間得雨澤僅止一二三寸未能一律霑足地土漸形乾燥秋禾未免受傷等語因念各該州縣內夏收六分有餘者已覺歉薄若秋禾復受傷歉收小民口食自必益形拮据特傳諭該督詳悉查勘如有

成災處所或應緩徵或應借給籽種口糧即酌量辦理
不得以統計夏收已稱中稔稍存諱飾致有向隅之嘆
通來都大聞佳信益覺徬徨惕此衷

京師得雨三寸詩以誌事

向遇望雨時一得雨留京王大臣飛章即報似此
秋成既定不過順天府尹按例具奏而已

此間一寸京三寸南暖北涼蠲暑同

此間初六日未曉以前得雨三寸餘居

然涼秋天氣茲閱蔣賜榮等奏報京師同時得雨三寸
此處雖較欠然田中無需種冬麥亦尚早而殘暑已淨

蠲胥堪慰念

穡事已成雨弗藉菜收奚礙井無窮

現在秋成已定固無

藉雨且利晴曬以便登場至於菜蔬向知皆井水灌溉更無妨碍也雲間天淡金行協氣爽人和造化功省歲頻欣閱佳信盈虛消息慎殷衷

西安巡撫秦承恩布政使和寧同奏秋禾約收分

數詩以誌事

撫臣入覲藩護理身到不期奏到同

秦承恩於七月初五日起程來京展

覲所有秋成約收分數例應護撫布政使和寧具奏但福建湖南等省俱已奏到陝西較近何以奏報轉遲隨傳諭該撫於途次行知和寧據實速奏茲該撫現到山莊召見時詢及秋禾情形適和寧奏報亦至三伏欠霑幸後霈
前據該撫奏西安同州一帶六月中旬雨澤未霑率屬設壇祈禱等語嗣即奏稱六

月廿三四五等日得有透雨朕心慮其或存諱飾仍即
馳諭詢問是否實在深透及秋禾有無妨礙情形旋據
覆奏所有未甚需足之咸寧長安等處並於廿九三十
七月初一及初六七等日復頻沛甘霖入土極為深透
秋成并可望其稔
收覽奏稍紓繼念八分餘獲亦中豐

茲據和寧奏陝省
八十八廳州縣內

漢中興安商州三府州屬暨孝義五郎寶雞岐山郿縣
藍屋鄠縣藍田等廳州縣均係雨水調勻收成約計九
分有餘及十分不等西安同州鳳翔邠州乾州郿州六
府州屬內咸寧長安興平醴泉長武武功等處於六月
下旬以後節次得雨深透收成亦約在七八分以上及
九分有餘不等延安榆林綏德三府州屬雖因節候較
遲尚未報到然入夏以來雨水尚屬需足亦俱約在八
分以上合計通省收成約八分有餘等語前以西安等
處夏雨未霑惟慮有向隅之虞是以不憚詳細諮
詢令據稱續得透雨總計尚可獲中豐差堪欣慰細咨

毋俾向隅嘆約計漫欣總數去聲充民食孜孜方寸裏敢

因

天眷畧紓衷

紅毛喚咭唎國王差使臣嗎嘓喃呢等奉表貢至

詩以誌事

博都雅昔修職貢

西洋博爾都噶里雅國曾於雍正五年乾隆十八年遣使臣二次奉表修

職貢喚咭唎今效蓋誠

去歲據廣東撫臣郭世勳奏紅毛喚咭唎國遣正副貢使嗎嘓喃呢

嘶噹唎等奉表進貢祝萬壽並稱所貢貢品有精巧之物架座高大若於粵東停舶進京道里遙遠運送匪易

祈於天津海口登岸等語朕嘉其遠來特允所請該使臣去歲八月間自彼國開舟於今歲八月初旬方抵山莊向化之忱
可謂誠蓋
豎亥橫章輸近步
淮南子載禹使大章步

三萬三千五百里七十五步使豎亥步自北極至於南極二億三萬三千五百里七十五步此次使臣稱該國通曉天文者多年推想所成測量天文地圖形象之器其至大者名布蠟尼大喇翁一座效法天地運轉測量日月星辰度數在西洋為上等器物要亦不過張大其詞而已現今內府所製儀器精巧高大者儘有此類朕以該國遣使遠涉重洋慕化祝釐是皆祖功宗德重熙累洽所致惟當益深謹凜至其所稱奇異之物祇覺視等平常耳

祖功

宗德遠遙瀛視如常却心嘉篤不貴異聽物詡精遠夷效貢

恭順自屬可嘉至於不貴異物旅藝之訓具在遠夷自誇精巧所見者小亦無足怪惟是厚往薄來天朝柔遠之道自當如是耳懷遠薄來而厚往衷深保泰以持盈

按淮南子墜形訓禹使太章步自東極至於西極使豎亥步自北極至於南極皆二億三萬三千五百里七十五步其說蓋勦襲山海經之語而不知其蓋於理夫地之所載山川數澤大小遠近不知凡幾豈有東西南北步之長短適均而無尺寸少異者高誘作

注亦知其非遂謂海內東西短而南北長極內相等云云予以為此皆謬悠附會之說不足信也何則以今天下觀之可以知矣自禹畫九州以後惟元代幅員為最廣然尚不及我朝疆域之大今自盛京東三省西至新疆回部隸版圖地北自蒙古諸扎薩克部南抵滇省邊界以及安南緬甸諸國已在中古九州之外其縱其橫總不出十萬里烏覩所謂二億三萬三千五百餘里者耶至所謂東西短而南北長極內

相等者尤屬臆說不足深辨夫東西為橫南北為豎
橫章豎亥不過為善步之人不能飛而踰嶺洄而渡
水也自東而西自南而北徑行直前如何接武以計
蓋文人逞詞博辯銜奇矜異之為而非方輿紀實之
惇史也因識於此以正千古耳食者之惑

夜雨

八月十四日

秋雲還岫晚來晴萬樹燈筵光耀明

年來每遇萬壽正
日率逢晴朗實感

吳恩昨日於萬樹園賜外藩觀火戲午後見陰雲
自西南起因思初十日已加宴賚即遇雨停止火戲亦

無關緊要乃脯時得微雨一陣旋即開霽而燈筵竟得成禮

恰值祝釐叩南甸

歸緬甸誠

之後貢使頻來今歲亦值其來山莊慶祝俾與宴賚

不期嚮闕會西瀛

啖咭喇國遠隔重洋

懇祈入貢祝釐自去歲八月間開船至今歲七月間始到天津萬壽節前亦至山莊遠人效悃亦非易得之事

甫完火戲藏月色復喜陰鋪送雨聲曉報霑田餘二寸

近日秋稼場功將畢而播種二麥亦需雨澤幸而燈宴之後夜半聞有雨聲次早稼熟河道報稱入土約有二寸天時人事胥稱至為欣宿麥早堪耕順惟內省增兢惕耳

浙江巡撫長麟奏報早禾收成九分詩以誌慰

早晚二禾例各報早收欣兆晚之成九分實足近上稔

據長麟奏浙江省寧波衢州處州台州金華嚴州溫州
紹興杭州等府屬本年所種早禾甚廣五月內雨水雖
多各該府地勢高阜並無妨碍六月以後暄潤得宜長
發愈覺暢茂所有各府收成九分有餘者寧波衢州處
州三府屬九分者台州金華嚴州溫州四府屬八分有
餘者紹興杭州二府屬總計早禾收成實有九分至杭
州府屬之仁和錢塘海寧三州縣暨嘉興湖州二府地
勢較低向來多種晚禾現亦長發青蔥將來亦可望其
豐收五縣仍教並緩征又據稱湖州府屬之烏程歸安長
興五縣因五月間雨水較多湖河泛溢禾苗不免受傷雖
現已補種雜糧農民僅敷糊口若將應完漕糧一并輸
納小民未免拮据等語已即降旨將應徵漕米及新舊
錢糧加恩緩徵統於來年秋成後分作二年帶徵以紓
民力蓋此歉收之地雖不及通省十分之一而朕
心無不軫念惟一有諱飾則民隱無由上達矣
肯以

此豐忘彼歉最嫌為諱
勗陳誠愛民惟是籌農要曉夜
孜孜此屏營

中秋日疊去歲韻

去歲逢霖今日晴人欣度節笑顏盈
中宵却乍甘膏霈

昨中秋節竟日晴霽入夜月色亦復皎潔夜半後乍霈
甘膏迴憶去歲是日遇雨至亥刻雲陰方散若今歲晴
雨得宜尤堪欣幸
秋隴都資宿種上耕乾十四寒韻
久心因幼農沃

自前月二十及月之初六兩次得雨俱不過寸餘雖殘
暑頓消秋禾亦將次收竣而佈種二麥正資雨澤未免
又殷企望前十四夜間得雨二寸茲又得此繼
霈農人喜得乘時播種膏韻舊章饒有佳興
興佳什

亦繼題麇雲山勝地仰

宸額歷以居諸紀載明

雲山勝地在寢宮烟波致爽之後檐額乃

皇祖御題予於

十二歲扈從來山莊即蒙

賜居於萬壑松風軒之側憶

是年即位後於辛酉年始為木蘭行園之舉自是五十餘年以來多於山莊度中秋節樓指歲月此中因緣不

可思議詳見向作

避暑山莊後序

雨 八月十六日

昨祇滋二寸

中秋夜半

茲覃渥澤稠月餘微覺旱

夏秋晴雨應時秋禾

告稔實感

餘以來僅得微雨數次即昨中秋夜半之雨亦祇二寸

吳思然自七月十二得有陣雨之後月

許現在農人播種秋麥尚覺未優昨夜雨勢酣暢約有三時可稱渥澤清晨據熱河道報稱入土五寸有餘又可為明歲登五寸此誠優築圃稼早納翻犁麥不愁嘉麥之佳兆也

徵先聲其始慶共老農酬

山西巡撫蔣兆奎報秋成九分有餘詩以誌慰

晉省近於齊秋成却遲報乃因待口外路遠故後告分

同更有贏

據蔣兆奎奏晉省本年雨水調勻七月下旬秋禾將屆成熟各屬復普得渥澤顆粒益加

飽滿所有九府十直隸州及歸綏道所屬五廳約收分數內十分有餘者太谷等十縣十分者徐溝等十六廳州縣九分有餘者祁縣等三十七廳州縣九分者陽曲等二十八廳州縣八分有餘者汾西等四縣八分者保

德等五州縣七分有餘者萬泉等三州縣七分者永濟等七縣雖其中偶有雨水未能需足分數不無稍減之處然合計通省秋收約九分有餘等語晉省到京遠近與山左相等惟因歸綏道所屬遠在口外俟其報齊是以每年奏報少遲而山左今年秋收僅報九分則晉省為過之矣

額手慰農劬節儉况

唐風餘三或可效

避暑山莊啟蹕迴鑾之作

駐蹕山莊逮三月迴鑾京國又斯時柔遐撫近恩施遍罷獵怡神靜覺宜健體謝勞微自愧喬齡遵養取羣咨雨暘今歲勝昨歲沿路倉箱待閱之

入古北口

去歲入古北幸外憫內憂

去歲駐蹕熱河晴雨應時秋禾暢茂雖口內外尚俱有收

而口外較優多在八九分以上惟因保定河間天津等府有受災處是以通省牽算祇有五分餘

今歲

入古北內外一律收

今歲則口內外秋收一律普豐更蹕途周覽崇墉北櫛深為農慶

值罕所見內竟較外優

常年口外收穫每勝口內今歲口內收穫竟勝口外畿南竟有

獲至十分以上者合計通省奏報十分實為近年所罕遇

亦弗近畿然各省率有秋

駢頻閱佳音

各省奏報秋收亦俱在八九分以上日內頻接佳音欣慰之餘益增省暢自愧

遇何修盛滿實可畏當欣却增愁

廣西巡撫陳用敷奏報早稻收成八分有餘詩以

誌慰

粵西歲功報漢土例殊申各勝八分熟

陳用敷奏廣西省漢土各屬氣

候不同早晚禾稻隨宜播種現在早稻成熟所有漢屬五十八州縣內收成十分者六縣九分者二十一州縣八分者三十一州縣合計收成八分有餘土屬三十三州縣司內收成九分者十三土州縣司八分者十七土州縣司合計收成亦八分有餘統計通同為一省民況省漢土各屬早稻收成實共八分有餘

多讀書輩資益化風淳更喜桂疆晏詳陳賜祭臣

春間因安

南國王阮光平故降旨令廣西按察使成林賡勅前往賜祭並察看該國是否寧謐情形嗣據成林事竣後奏

稱該嗣王阮光瓚人頗聰明具迷感激誠悃其陪臣等俱有悅服情形似能上下同心長承恩眷昨成林馳抵熱河復命詢得其詳深為慰意

迴蹕至御園再疊辛亥詩韻

鑾旋六日御園至即景題詞例合償外遜內贏兩弗論

前歲各省普獲豐收乃有廓爾喀侵擾後藏之事籌畫軍務宵旰廛思去年福康安等統兵深入七戰七捷廓爾喀旋即悔罪降順藏中綏靖而畿南數府被旱又以籌辦賑恤不釋於懷至今歲則雨暘時若均獲豐收而邊境又安遠人來覲內外俱可慰

念仰賴

吳貺益切兢兢耳

亥過壬度一何忙十

分收穫誠希遇

直隸地土高燥每遇秋收八九分以上農民即欣幸逾常今歲竟報收十分初

非意計
所及
各省頻繁報率強
過多八九分以上者合普天下
計之竟可稱大有年矣
盛滿之懼更不敢少釋
宴坐閒齋還自問憂斯盛滿敢
忘懼

安徽巡撫朱珪彙報秋收八分詩以誌慰

熟高歉下府稱異補短截長省計通

據朱珪奏安徽省
今秋陽雨調勻所

種早中晚稻及林豆雜糧俱各有收雖安慶池州等府
州屬間有窪地積水之處現在委員查勘而通省尚屬
豐登計各屬收成九分有餘者休寧等七州縣九分者
太湖等十四州縣八分有餘者石埭等六縣八分者望
江等八縣七分有餘者宿松等六州縣七分者桐城等
六州縣六分有餘者懷寧等三縣六分者蕪湖等六州

縣五分有餘者繁昌一縣五分者銅陵無為二
州縣通省截長補短統計秋收約有八分等語
子歲較

來雖畧欠

去歲該撫奏安徽省秋收八分有餘今歲以
間有被水之處收成不無畧欠然統計得至

八分自來
亦稱中豐
八分得至亦中豐幸逢收者衣食足產被災

之老幼窮設有應當接濟處速頒實惠救哀鴻

該省歉收地方

雖不過十分之一二然既屬災區小民生計維艱朕心
深為廕念當即降旨令其確查如有應當接濟之處速
即據實奏聞妥協辦理俾沾
實惠以仰副加惠災民至意

重陽日幸香山靜宜園即事疊去歲詩韻

數上
來九九叶乾陽今歲秋長了不涼翠柏丹楓爭助

景熈莫黃菊弗孤香登高例作七言體撫節何妨兩鬢
蒼所幸勝於壬子者有收民氣昨全忘去歲畿南保定
天津河間等府
以被旱歉收今歲雨暘時若夏麥秋禾俱
獲上稔市間糧價頓平已復恬熙之象矣

棲雲樓

向陽樓館稱幽棲每歲先臨例可稽向來至香山必先
於此少憩宛如成

例雲去我來景微異去年重九至此方值雨過雲開茲
來天氣清朗景趣稍殊其為應此

佳節則
同耳昨過今至事原齊窓間迅影誰駐也筆底流陰

且付兮幸遇有收諸事順却增懼念敬惟躋

歡喜園題句

以近如來殿遂名歡喜園兩言豈易得今歲偶逢恩今

歲

各省秋禾率稱豐稔而直隸更報十分收成蕪之西洋
映咭喇遠來朝貢觀此園名頗覺稱情而盛滿之懼正

自難忘

却切盛滿懼不安夙夜煩愧哉調御坐無語付三

幅

靜室口號

靜室由來稱最高嘉陰數息試清遨恰當重九為造極

畏在此中那論饒

靜室為園中最高處茲來雖以酬節
然昔人謂居高可畏予意有會於此

非斤斤數典
於題餽也

陝甘總督勒保奏報秋禾收成八分有餘詩誌欣

慰

今年收似去年收

據奏報今歲奏甘省秋收八分有餘茲

者隴西等十州縣九分有餘者華亭等十四廳州縣九
分者河州等十二廳州縣八分有餘者寧州等九州縣
八分者渭源等五縣七分有餘者合水等二縣七分者
平番等三縣六分有餘者靖遠等三州縣六分者皋蘭
等八州縣以上六十六廳州縣牽算約收八分有餘等
語是仍與去歲秋收無殊該省地瘠民貧秋穫屢報中
豐小民衣食可以一以為欣一以愁愁或飾言娛望歲
無虞尤堪欣慰

欣於愜願又登秋本來地瘠民貧苦何幸寒衣饑食優
展閱報章多喜信各直省奏報今歲秋成多在八九分
以上即間有一二被水之處而以通
省合計仍屬中豐然予之所喜在是所懼亦即在是耳
是宜懼耳慎身修

香山還蹕小憩靜明園作

四日香山清蹕旋大都佳處戒留連泉明峯靜宜小憩
雨若暘時勝去年似此實應心慰矣畏盃每覺意怔然
浣花詩史吾常效懶詠無端又撫箋

四川總督惠齡奏報秋成九分湖南巡撫姜晟奏

報秋成九分有餘詩以誌慰

川湖都報九分書南楚更欣稱有餘

據惠齡奏川省春夏以來雨暘時若

五六月間當早晚二禾發榮長養之候又屢得甘霖廣沛高下稻田無不一律秀實所有各屬秋收分數計九分有餘者成都順慶叙州夔州龍安雅州嘉定七府眉州邛州瀘州忠州四直隸州並叙永一廳九分者重慶寧遠潼州三府資州綿州達州酉陽四直隸州八分有餘者保寧一府石砫一廳八分者茂州一直隸州理番一廳七分有餘者松潘懋功二廳統計通省秋成實有九分又據姜晟奏湖南省本年自早稻豐收後每旬晴暄數日復得透雨連朝茲當中晚二稻黃熟之候顆粒尤極飽滿現在陸續登場所有各屬秋收分數內十分者安化一縣九分有餘者瀏陽等三十六廳州縣九分者長沙等二十九州縣八分有餘者衡陽等八廳縣合

計通省中晚二稻收
成實屬九分有餘
詎是飾辭爭獻彼誠惟惕志益深

予兩疆魚米利別地七字冰淵凜恪居

吳貺頻駢愈往歲怵裁方寸敢言舒

江蘇巡撫奇豐額湖北巡撫福寧貴州巡撫馮光

熊各報秋成口號誌事

中豐餘喜江蘇報

江蘇八分有餘
夏秋雨水充盈除低地間有積水未據奇豐額奏江蘇

消不能補種之虞以通省計之不過十分之一其高田
均極暢茂所有早晚二稻收成內十分者蘇州府屬之
吳縣等松江府屬之上海常州府屬之靖江通州暨所
屬之如皋等共七廳州縣九分者江寧府屬之句容等

常州府屬之武進等鎮江府屬之丹徒等揚州府屬之江都等徐州府屬之邳州等共十五廳州縣八分以上暨八分者江寧府屬之上元等蘇州府屬之長洲等松江府屬之華亭等常州府屬之陽湖等揚州府屬之高郵等徐州府屬之銅山等太倉州暨所屬之鎮洋等海州屬之贛榆等共二十七州縣七分以上暨未及七分者蘇州府屬之崑山松江府屬之婁縣等淮安府屬之山陽等揚州府屬之東臺等徐州府屬之沛縣等海州蘇州府屬之常熟等徐州府屬之蕭縣等海州屬之沐陽等共二十一州縣統計江寧藩司所屬收成七分有餘蘇州藩司所屬收成八分有餘合計江蘇通省實在八分有餘上稔欠蕪黔楚稱二各九分餘據福寧奏湖北中晚二稻收成分數內十分者武昌等十二縣九分有餘者江夏等十四州縣九分者崇陽等三十六州縣八分有餘者穀城等六州縣合計通省收成九分有餘據馮光熊奏黔省早晚二稻

收成分數內十分者貴陽等十府仁懷郎岱等二同知
清江一通判冊亨一州同羅斛一州判定番等七州貴
筑等十三縣共三十五處九分者平越鎮遠等二府長
寨古州台拱八寨等四同知歸化等五通判開州等七
州貴定等二十一縣共三十九
處合計通省收成亦九分有餘
屢見與與及翼翼益增
業業更兢兢

山西巡撫蔣兆奎奏報得雪詩以誌慰

冬令雪至要初逢必誌甘奏稱省以北厚積寸之三

據

西巡撫蔣兆奎奏該省太原汾州平陽蒲州潞安澤州
各府屬暨遼沁解絳霍隰平定各州並所屬於九月中
旬下旬各得雨自三四寸至五六寸及深透不等又稱
省北之大同朔平二府屬州縣暨歸綏綏道屬各廳稟報

於十月初六日瑞雪繽紛除消融入土外厚積三四寸不等該省迤南而膏霑足宿麥自益暢茂而省北初逢冬序即降甘霖是日雲微佈京畿是日陰雲微佈亦有尤屬豐年吉兆作雪之意惜竟日未獲沾澤雖三冬時儘可待而終朝澤未覃雖知時可待批慰每年際此已為顯望却為慙

廓爾喀所貢象馬至京詩以誌事有序

廓爾喀之役自熱索橋至帕朗古梁入七八百里殲戮數千人拉特納巴都爾窮蹙顛降鑒其悃誠准予納款此其所進方物中象馬也道遠且險今

始至京我國家萬國共球若安南暹羅緬甸南掌
之象充牣儀衛哈薩克布魯特之馬散牧營伍豈
庸是戔戔者為特以邀

昊貺之助順表將士之效勤綏彼邊餘安我藏地效來

呈覽輒用成章

異域歸降順事機來朝奉表賚先歸

拉特納巴都爾遣其大頭目噶箕第

烏達特塔巴等奉表於上年臘月抵都本年

馬蹄象齒

胥生致

廓爾喀所進方物可以輕齎者俱經降使納奉陳庭惟象馬因濟隴一路山險難行由巴爾底

薩祺哩布魯克巴等部落繞道前來諸部落各派番民
護送修途供料於本年正月由帕克里邊界至前歲四
月草萌雪消時由青海送京除賞給達賴喇嘛鹿角狼胡
嘛班禪額爾德尼外今象二馬五俱入閑廐
笑彼徵軍務細咨憐衆苦廓爾喀為邊外之邊線嚴飭
溜地險絕倫進兵時將軍以
下皆躡履步行跟穿踵決尚能埋根首進殺敵致果去
歲屢經奏知近面詢福康安愈悉其狀即如象馬迂道
乃其証也總由福康安感恩任事勞苦胥忘而予嘉彼
蓋勤觸緒生憐益以仰吳貺錫機事機湊會正慮
雪封致阻之時適當霆擊伸威之際示之武功全藏賴
必克遂以畏威堅順揚武奏功臻此全美

天機持盈業業惟增惕敢曰遐荒接踵依

題鏤角西園雅集圖杯

西園雅宴集名流十有六人為倡酬米記李圖藝恰稱

去聲

儒冠墨客意相投桃園太白金谷例錫縣尤通王斧

鏤

無錫縣志載明尤通以善製犀角飲器得名內府舊有通所作槎式犀角杯雕鏤精巧適安南國王阮

光平所貢大犀角即命倣此杯為之照世寧須事燃角良工數上聲典有佳

謀

冬至

南郊禮成述事

南郊歲歲舉躬行倂指丙辰餘二呈

壇外酌教簡步履

位前虔願奉心誠

向年恭祀
右降與今年

定於西外壩門之左降
園立於南外壩門之

與較前步行稍近數十武非敢耽逸正以少節步履之
勞而登降拜跪得以專心對越自惟年逾八十有三精
力猶可自勉不敢不躬親承祀區區微
誠諒冀仰邀
天祖昭鑒耳
薦糕崔寔四民
月令冬至

薦黍糕
於祖禰

茲幸秋稱稔

藐躬仰承
際昇平過年

吳佑年臻耄耄世
微既皆寧靖而今

歲又獲溥豐似此受
有敢不益勵虔寅以幾億萬斯年永膺

恩駢疊誠為史冊所未
福祉

奠璧

昨叨邊奏平

恩受重重籲彌切萬年

福祉永綏清

天津鎮總兵蘇寧阿報雪詩以誌事

將詣

齋壇宿入宵密佈陰

冬至月十八日

辰臨風以散南望霧猶沉

豈料六霙霽

據蘇寧阿奏天津地方是日自寅至巳得雪三寸餘現在同雲密佈雪尚未止其勢

甚為廣遠等語

積成三寸深此間仍惜霽惕慰兩縈心

暫護河東河道總督布政使江蘭報雪詩以誌事

甘雪未霏冬津瀛六拍逢

昨據天津鎮總兵蘇寧阿奏該處於十八日得雪三寸

同朝齊獲澤一寸惜輸濃

茲據江蘭奏恭赴岱頂祈求雪澤十八日至泰安山境

自清晨至申刻始而細雨繼以瑞雪沿途察看入土二寸及寸餘不等差查省城及附近一律均霑等語該省得雪雖較天津少遜然麥苗藉得沾潤亦屬仰邀天澤若京城是日早間亦有陰雲密布惜即晴散日內

正在望

柳絮雖非暢麥苗究喜封邇常雲即散壹鬱不

勝顒

山東巡撫福寧報雪詩以誌事

奉勅察洋界

前因江蘇山東洋面交界地方遇有劫案各員弁捏飾推諉福寧新任東撫無所用

其迴護即飭令會同蘇撫奇豐額親往海口查勘昨已勘明會奏並起程各回本省茲福寧報雪摺即係途次

疊據各屬
所報者
雪情報屬州

據稱濟南府屬之歷城等十一縣泰安府屬之泰安等七州縣

武定府屬之青城等七州縣兗州府屬之曲阜等三縣沂州府屬之蘭山等三州縣東昌府屬之聊城等二縣

青州府屬之益都等十一縣萊州府屬之掖縣等六州縣登州府屬之蓬萊等五縣各於十八九等日得雪積

地自四五寸至一二寸不等而濟南府屬之歷城章邱青州府屬之臨朐壽光昌樂等縣於二十二日又續得

雪三寸至一寸不等大率東府較之西府為畧優耳大都覺西遜所幸畧東優仍

此京畿旱那舒方寸憂同雲卓午佈額手冀

恩稠

雪
冬至月
廿九日

絮雲濃午末稷雪落申

初雪之未成片而成粒者俗謂之米心雪即說文所謂稷雪

結實其積一寸勝大片之積倍之

問徹更長短報稱霏疾徐滿空澤猶

醞自中至戌雪勢頗濃夜半惜其漸微清曉往瀛臺望見雲氣布護猶覺醞有厚澤

二寸積誠

餘

據順天府尹奏稱此次得雪二寸有餘洵非虛語

水上收原富樹根堆不虛

因之賞行衆

每歲得雪後令步軍苑戶人等培植樹根因即藉以行賞沿為常例

誰識盼

仍予翹首時晴晦益增嗟以噓

嘉平月朔之作

嘉平月之朔開筆奉

先猷

每歲例於臘月朔日開筆書福以次錫王公大臣內直侍從及各省督撫等謹遵

皇考家法也

闡福佛資力

是日早先詣闡福寺拈香冀資佛力普福蒼生亦有合於箕疇敷錫之意

錫民

箕叶疇畧慚輿陟級猶可步周樓

往年來此禮佛俱步陟登樓今年司事者

預備小輿以八十有三之年亦應少為節勞登樓周歷則仍步行如常

冰戲降觀待鞠勞

行賞酬

向於朔日觀冰嬉分棚擲鞠懸的演射亞歲藉以行賞亦成恩例

纍纍雪成垛

的的澤知稠憶昨終朝惕憑觀微解愁

近得雪未甚優渥尚幸雲氣濃

積不意昨晚頃爾起風知其必晴心殊未愜今早往北海見冰上堆雪頗豐蓋稷雪結實不止二寸餘愁懷少

釋

河南巡撫穆和蘭巡漕給事中斐靈額各報得雪

詩以誌事

兩處報來一日同雪存五寸利農功

據穆和蘭奏河南省城及近省之通

許中牟蘭陽等縣均於十一月二十五日戌刻至次日卯刻得雪除融化外積厚五寸餘其河以北之林縣內

黃河以南之夏邑盧氏等縣並先於二十一二等日得雪二三寸不等並據巡漕給事中斐靈額奏亦於二十

五日行至滕縣地方得徒陰後四日霑澤
五日時有陰

雲密佈至廿九日
更繾保陽恐落空
齊豫二省及此間俱已得雪保定省

始霑澤二寸餘
城尚未奏至甚為繾
念已即降旨詢問

直隸總督梁肯堂山西巡撫蔣兆奎各報雪澤詩

以誌事

保定果盼澤

前因京師得雪繼念保定未經報雪降旨馳詢梁肯堂乃已隔兩日尚未覆奏今日

僅於保題首縣摺內夾單奏稱昌平房山及清苑等州縣得雪一三寸不等草草數語亦未詳悉該督於民事

如此漫不經心當即降旨申飭看來該處竟尚盼澤其所奏得雪分寸必有粉飾即每日虔誠祈禱之語亦不

可信仍飭遵照前旨將日內是否得雪優渥之處迅速覆奏至向來各省請調首縣經部駁者每特加恩允准

此次亦未允其所太原誠被恩晉省入冬以來各屬瑞雪頻霑節經具奏茲又

據蔣兆奎奏稱太原府屬暨省南之汾州平陽潞安澤州蒲州等府屬州縣并遼州霍州解州絳州隰州沁州

暨所屬各縣先後稟報於十一月十七八二十二及二十五六等日各得雪自二三寸至四五寸不等其太原省城又於二十九日自辰至未得雪除消融入土現慰在積厚三寸等語是山右雪澤洵屬仰被

指山

輸勝其望

指直隸

念切更何言雪渥仍希繼

此間日前所得

稷雪雖僅二寸餘而各處於冰上掃雪培植樹根較之片雪倍覺厚實然究未優渥惟有籲冀

吳恩仍賜

繼需

樹培餘護根拈吟籲重需

吳貺佑黎元

詠均蜜水盃

修內遺來六百年喜他脆器尚完全

磁器脆於銅故古銅器多而磁器少

也況非髻墜不入市却是清真可設筵詎必古時無盃
製由來君道重盃圓細紋如擬冰之裂在玉壺中可並
肩

查海塘總河蘭第錫李奉翰西安巡撫秦承恩各
報雨雪情形詩以誌事

沿河冬月頗望澤下澣欣逢雨雪霑

據蘭第錫李奉翰等奏稱自浙江查

勘海塘回沿途查閱河工十一月二十六日行至高郵
寶應地方濃陰密雨至二十七日寅時方止得雨二寸
有餘又據山陽清河稟報得雨二寸桃源宿遷得
雪寸餘至三寸不等邳州得雪積厚五寸等語

全陝

土膏早滋潤西安各報麥甦恬

同日又據秦承恩奏陝省自播種冬麥之後雨

澤頻施二麥盤根甚為穩固十一月內據各州縣先後稟報延安府屬之靖邊定邊等縣初五六日得雪三四

寸不等商州並所屬之山陽雒南等縣西安府屬之藍田藍屋等縣同於初八九日得雪三四五寸不等昨已

據山西巡撫奏報祥雲廣佈慰雖肝食宵衣際冀尚南陝省連疆自當一律均霑耳

優西普兼

淮徐及西安得雪固堪慰懷惟上下兩江通省曾否優渥尚未據該督撫奏及已即馳旨

詢問至西安是否普沾亦尚盼該撫續奏也

七字吟成還自戒猶斯盼特不

知廉

京師目前之雪雖未甚優然甫屆臘初時儘可待但恐自謂可待之心又鄰自放深以為戒向來為

民祈澤恒不知足惟冀數日之內再得霑渥為幸

兩江總督書麟安徽巡撫朱珪各報雨雪情形詩

以誌慰

正續南方澤何若朝來齊接各郵書雨而雪併江蘇速

書麟奏江蘇省之淮安徐州江寧蘇州常州鎮江揚州各府屬於十一月二十五六七等日或得密雨入土深透或得雪積厚二三四五寸不等江寧省城復於三十日雨中帶雪旋落旋消勢猶未止現在同雲密布甚為廣遠寸以尺霑歛胥

朱珪奏安徽省城於十一月二十三日自子至巳得有細雨寸

餘至二十五六七日甘霖大霑夾帶雪花接晝連宵幾於盈尺據鳳陽廬州太平潁州滁州各府州屬報得雪亦皆霑足其各屬別屬可同待續報一心畧慰未全舒俟報齊再行續奏


未全舒更緣奚事畿輔繼滋方冀予

昨京畿雖得二寸
餘雪尚盼繼此優

霽

除夕

癸丑今朝盡甲寅明日來鴻濛一氣運索籥萬年培柏
子燭烟合椒花向暖開肝宵勤歲事曉起最初裁



御製詩五集卷八十四